

3. gr.

Hreppsnefnd getur afturkallað veitt leyfi til hundahalds hvenær sem er, ef hún telur ástæður til og skilyrðum, er hún setur, hefur ekki verið fullnægt.

4. gr.

Brot gegn samþykkt þessari varða sektum allt að kr. 5000.00.

Framangreind samþykkt hreppsnefndar Breiðdalshrepps staðfestist hér með, með vísun til 1. gr. laga nr. 7/1953 til að öðlast gildi þegar í stað.

Heilbrigðis- og tryggingamálaráðuneytið, 15. ágúst 1972.

F. h. r.

Páll Sigurðsson.

Almar Grímsson.

14. ágúst 1972.

Nr. 229.

Staðfesting forsetans á skipulagsskrá fyrir Minningarsjóð Jean Valgard van Deurs Claessens landsfóhirðis og konu hans Kristínar Briem Claessen, útgefin á venjulegan hátt að mandatun af dómsmálaráðherra 14. ágúst 1972.

Skipulagsskráin er þannig:

SKIPULAGSSKRÁ

fyrir Minningarsjóð Jean Valgard van Deurs Claessens landsfóhirðis og konu hans Kristínar Briem Claessen.

1. gr.

Sjóðurinn heitir Minningarsjóður Jean Valgard van Deurs Claessens landsfóhirðis og konu hans Kristínar Briem Claessen, stofnaður af eftirlátnum eignum dóttur þeirra Ingibjargar Cl. Þorláksson, fyrrum forsætisráðherrafrúar, skv. erfðaskrá hennar, dags 15. júlí 1966.

2. gr.

Stofnfé sjóðsins er kr. 10 000.00 — tíu þúsund krónur — og er sjóðurinn sjálfstæð eign Sauðárkrókskirkju. Sjóðinn skal ávaxta í banka á Sauðárkróki eða með öðrum öruggum hætti.

3. gr.

Höfuðstól sjóðsins má aldrei skerða. Árlega má verja $\frac{3}{4}$ — þrem fjórðu — hlutum vaxta til að gegna hlutverki sjóðsins, en fjórðung þeirra skal jafnan leggja við höfuðstólinn.

4. gr.

Þeim hluta vaxtanna, sem til úthlutunar kemur, skal varið, sem hér segir:

- a. Að halda vel við leiði fr. Kristínar Briem Claessen og tvíbura manns hennar af seinna hjónabandi. Leiðið er í Reynistaðarkirkjugarði.
- b. Hluta af þeim skal árlega varið til skreytingar Sauðárkrókskirkju.
- c. Þegar fært þykir, skal hluta af vöxtum sjóðsins varið til handvinnukennslu sjúklinga (beskæftigelses Terapi) í Sauðárkrókssókn og kaupa á efni í því skyni.

5. gr.

Stjórn sjóðsins skal skipuð sóknarprestinum á Sauðárkróki, bæjarfógetanum á Sauðárkróki og formanni Kvenfélags Sauðárkróks. Stjórnin skipar sjálf með sér verkum.

Stjórnarfundi skal halda eigi sjaldnar en einu sinni á ári.

6. gr.

Stjórnin annast reikningshald sjóðsins og skal senda reikningana árlega Eftirliti opinberra sjóða, endurskoðaða af sóknarnefnd Sauðárkrókskirkju.

7. gr.

Leita skal staðfestingar rétttra stjórnvalda á skipulagsskrá þessari.

Sauðárkróki, 18. ágúst 1971.

Pórir Stephensen.

Jóh. Salberg Guðmundsson.

Sigrún Pétursdóttir.

Staðfesting forsetans á skipulagsskrá fyrir Minningarsjóð um Marsibil Sigurðardóttur frá Urðarbaki í Línakradal, útgefin á venjulegan hátt að mandatum af dómsmálaráðherra 16. ágúst 1972.

Skipulagsskráin er þannig:

SKIPULAGSSKRÁ

fyrir Minningarsjóð um Marsibil Sigurðardóttur frá Urðarbaki í Línakradal.

1. gr.

Sjóðurinn heitir Minningarsjóður Marsibil Sigurðardóttur.

2. gr.

Sjóðurinn er stofnaður með gjöf Ágústss Bjarnasonar, Kambsholti, Hvamms-tanga til minningar um eiginkonu sína Marsibil Sigurðardóttur, frá Urðarbaki í Línakradal, Vestur-Húnavatnssýslu, er andaðist 28. ágúst 1942.

3. gr.

Stofnfé sjóðsins er kr. 300 000.00 — Þrjú hundruð þúsund 00/100 —

4. gr.

Tilgangur sjóðsins er að efla sálarrannsóknir á Íslandi, svo sem með því að styrkja þjálfun miðla á vegum Sálarrannsóknarfélags Íslands, útgáfu bóka um dulræn efni, vísindalegar rannsóknir á dularhæfileikum mannsálarinnar, framlífinu og sambandinu við látið fólk.

5. gr.

Stjórn Sálarrannsóknarfélags Íslands er sjóðsstjórn og hefur hún með höndum umsjón sjóðsins og reikningshald hans.

Endurskoðendur hans eru endurskoðendur félagsins.